

Mirna Delalić, dipl. pravnica - Magistarski rad

Fakultet/Akademija	PRAVNI FAKULTET
Tip Rada	Magistarski rad
Kandidat, zvanje	Mirna Delalić, dipl. pravnica
Naziv Teme	Evropska konvencija o zaštiti ljudskih prava i osnovnih sloboda kao sredstvo zaštite prava na pravično suđenje u Bosni i Hercegovini
Rezime/Abstract	<p>U uvodnom dijelu magistarskog rada navedeni su razlozi i motivi za usmjeravanje naučnog istraživanja u pravcu problematike Evropske konvencije o zaštiti ljudskih prava i osnovnih sloboda kao sredstva zaštite prava na pravično suđenje u Bosni i Hercegovini, definisana je osnovna (temeljna) hipoteza, kao i pomoćne (razrađujuće) hipoteze, obrazloženi su predmet i ciljevi istraživanja, te korištena metodologija. Istraživanje je usmjereno u pravcu analiziranja pojma i primjene Evropske konvencije o zaštiti ljudskih prava i osnovnih sloboda (u daljem tekstu: Konvencija) kao sredstva zaštite prava na pravično suđenje u Bosni i Hercegovini sa teorijskog, legislativnog i aspekta sudske prakse, u cilju što boljeg osiguranja poštivanja ljudskih prava i osnovnih sloboda u postupcima koji se vode pred nadležnim organima u Bosni i Hercegovini, a u kojima se odlučuje o građanskim pravima i obvezama ili o krivičnim optužbama osoba koje su pod jurisdikcijom Bosne i Hercegovine. Predmet istraživanja implicirao je uspostavljanje prostornog i vremenskog kontinuiteta, u cilju postizanja i održavanja konzistentnosti istraživačkog procesa. Iz tako definiranog predmeta istraživanja proizašao je i glavni cilj naučnog istraživanja, a to je istražiti i utvrditi da li je Konvencija direktno primjenjivo i adekvatno sredstvo zaštite prava na pravično suđenje u BiH, kako sa ustavnopravne normiranosti, tako i sa praktičnog aspekta sudske prakse Ustavnog suda BiH i Evropskog suda za ljudska prava. U poglavlju magistarskog rada pod nazivom „Uopćeno o Konvenciji“ ukazano je na značaj osnovih aspekata Konvencije: nastanak i razvoj, sadržaj Konvencije i njениh protokola, zaštita prava i sloboda predviđenih Konvencijom i protokolima, sa posebnim osvrtom na obaveze država potpisnica Konvencije. Poglavlje pod nazivom „Evropski sud za ljudska prava“ sadrži prikaz osnivanja i sastava Evropskog suda za ljudska prava, postupka pred Evropskim sudom za ljudska prava, sa posebnim osvrтом na nadzor nad izvršenjem presuda Evropskog suda za ljudska prava. U poglavlju pod nazivom „Odnos Konvencije i Ustava BiH“ ukazano je na nastanak Ustava BiH i specifičnosti koje su pratile taj proces, te je prikazan sadržaj Ustava BiH sa posebnim osvrтом na primjenu međunarodnih dokumenata u pravnom poretku. U ovoj glavi je analiziran pravni osnov primjene Konvencije u Bosni i Hercegovini, te zaštita prava i sloboda propisanih Konvencijom pred Ustavnim sudom BiH u smislu prava na podnošenje apelacije pred Ustavnim sudom BiH, što ujedno predstavlja i pretpostavku za eventualno podnošenje predstavke Evropskom sudu za ljudska prava u slučaju da je apelant nezadovoljan odlukom Ustavnog suda BiH. Posebno je analiziran pravni osnov podnošenja predstavki Evropskom sudu za ljudska prava protiv Bosne i Hercegovine zbog kršenja prava i sloboda garantovanih Konvencijom, sa osrvtom na obaveznost i dosadašnja iskustva u provođenju odluka Evropskog suda za ljudska prava u Bosni i Hercegovini. U poglavlju koje nosi naziv „Pravo na pravično suđenje“ prvenstveno je obrađeno pojmovno određenje prava na pravično suđenje, dat je historijski prikaz nastanka i razvoja prava na pravično suđenje, te analiziran sadržaj prava na pravično suđenje po definiciji datoј u Konvenciji i posebno utvrđenim pravima kroz sudske prakse Evropskog suda za ljudska prava. Dalje je u poglavlju pod nazivom „Konvencija i pravo na pravično suđenje u državama regionala“ dat komparativni prikaz kako je pravo na pravično suđenje propisano u državama koje su u neposrednom susjedstvu Bosne i Hercegovine, odnosno u Republici Hrvatskoj, Republici Srbiji, Crnoj Gori, Republici Sloveniji, Republici Makedoniji i Republici Albaniji. U centralnom i najznačajnijem poglavlju magistarskog rada pod nazivom „Istraživanje sudske prakse Ustavnog suda BiH u pogledu rješenih apelacija podnesenih zbog povrede prava na pravično suđenje pred sudovima u BiH“ analizirana je sudska praksa Ustavnog suda BiH prikupljena sa internet stranice Ustavnog suda BiH i to u vremenskom periodu od 1999. do 2014. godine u odnosu na odluke u kojima jeste i u kojima nije utvrđena povreda prava na pravično suđenje. Utvrđivanje broja odluka i njihova analiza je urađena u cilju istraživanja u kojoj mjeri se Ustavni sud BiH poziva na odredbe Konvencije i sudske prakse Evropskog suda za ljudska prava prilikom odlučivanja o podnesenim apelacijama, sve u cilju provjere efikasnosti Konvencije kao sredstva zaštite prava na pravično suđenje u Bosni i Hercegovini. U poglavlju pod nazivom „Analiza sudske prakse Suda u odnosu na utvrđene povrede prava na pravično suđenje u BiH“ izvršena je analiza odluka Evropskog suda za ljudska prava dostupna u elektronskoj bazi odluka Evropskog suda za ljudska prava u odnosu na odluke u kojima je odlučivano po predstavkama podnesenim protiv Bosne i Hercegovine zbog povrede prava na pravično suđenje. U dijelu rada koji obuhvaća zaključna razmatranja i prijedloge de lege ferenda rezimirani su najznačajniji rezultati do kojih je dovelo provedeno istraživanje, uz konstataciju da je osnovna (generalna) hipoteza ovog magistarskog rada, zajedno sa razrađujućim (pomoćnim) hipotezama, potvrđena.</p>
Datum	23.09.2016
Predsjednik	Dr sc. Dženeta Omerdić, doc. – predsjednik, Uža naučna oblast Državno i međunarodno javno pravo Pravni fakultet Univerziteta u Tuzli
Mentor	Dr sc. Sakib Softić, red. prof. –mentor i član, Nastavni predmet Međunarodno javno pravo Fakultet za kriminalistiku, kriminologiju i sigurnosne studije Univerzitet u Sarajevu
Član komisije	Dr sc. Zlatan Begić, doc. – član, Uža naučna oblast Državno i međunarodno javno pravo Pravni fakultet Univerziteta u Tuzli
Član komisije	-
Član komisije	-
Zamjenski član	-
Dodatni detalji i lokacija	Dana 23. 09. 2016. godine u 14,00 sati na Pravnom fakultetu Univerziteta u Tuzli
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.